

Lynch-Justiz

(ASP340-15.08.2002)



A dor wießo Gado-Wand
hi-n-ä mit dor flacho Hand
a-n-ar Muggo 's Liocht us'bloso.

Sit om 's Ohr s' mor numma summat,
sit iohr Summa ischt verstummat,
ziert die schneewiß Wand a Moso.

Für und wider, hoafst as, git 's
für und wider d' Lynch-Justiz !



(ASP340-15.08.2002)



Lehrar

(ASP341-15.08.2002)

||

D' Lehrar, hoast as, d' Lehrar siond
problematischer wio d' Kiond.


Und sä töüond, hoast as, gär
mit do Gwaxna roß sä schwär.

D' Lehrora Problemor händ,
will sä d' Mä behro wänd.

Schließlä hoast as, d' Lehrar-Gobo,
seiond großtoals schlecht arzogo !

ASP341-15.08.2002

(ASP341-15.08.2002)



Quiz

(ASP342-20.08.2002)

ρ

Do Hanseorg seit, ma kün sus niona
wio bi 'ma Quiz schnell, Geld verdiona.
Füher händ iohn gär nid biosso
große Löcher i sim Wiosso.

Heot zum Lerna sä gnot b'sunno,
bstünd all Quizor eotz mit links.
Bloga tuot 's iohn allerdings
's Geold würd all vo andra 'gwinno.



(ASP342-20.08.2002)




β

Arzell mor nünt vo-n-ar Diät.
Will, wenn ma dra sä halto tät,
wio däs so gnau beschriobo stoht,
nid blös am Gwicht ma 's Oder lot,
Nei, vor ma 's seolber heot erscht g'sporo,
heot ou ma do Humor verloro !



(ASP343-19.08.2002)



Karto-Grüöß

(ASP344-19.08.2002)

(ASP344-19.08.2002)

I

Do Hanseorg schrieft vo-n-Urloubsfahrta
a Hinz und Kunz all A'sichtskarta.
Wio iohm im Urloub as guot goht,
ar alle Weolt gern wiossa lot.
Das G'schriobo ischt nid bsundrig schied,
blös d' Hauptsach, as arweckt do Nied.
Ar schriibt, wio exclusiv ar wohn,
i-n-a 'nar Swit mit Südbalkon,
vo wo-n-ar 's Meer seoch, dunkel-grüo,
und wio-n-as weoll, sa wundorschüo.
Natürlä dar ar ou 's guot Eosso,
und 's Trinko nid im Lob vergeoßo.
Ar schwärmt im gröscho Überschwang,
vom Sunno-Uf- und -Unergang,
und vo der seelig-stillo Ruoh,
ar möchte am liobsot numma huo !
Ar würft dänn d' Karto schließlä i;
si brucht wohl länger, küntit si.

Si kut all nach-om Hanseorg a,
sodaß 's Wieb seolber schildra ka:

vom trüobo Meer, so katzo-grau
vom Himmel, dunschtig, nio reocht blau,
vo 'r Ussiocht i 'n a Bou-Areal
i 'n a 'nar Landschaft, kahl und fahl,
Vom luto Lärm, vo-n-a 'nar Stroß
und schließlä ou vom schleochto Gfroß.

Erscht tagsdruf kommond d' Kartogrüöß.

Geo ... Urloub ischt scho eopas Schüos.



(ASP344-19.08.2002)




— ? —————

Wer Klartext redat, woäßt nid viel,
as ischt döt meischtons blös im Gspiel,
daß er, was' Mehrheit woäßt, ou seit,
was d' Politik nid all vertreit.
Und Miondoerheit seit, klar, ar ischt
mit Hut und Hor an Populisch.
Dio, wo ganz z'üssorscht links uß stond,
a iohm kuo guots Hor dana lond,
gnau wie die Reochto, dio Faschischto,
dio hoafsond iohn an Kommunischto.

I hio 's z' arklärot do probiert:
sioscht, d' Politik ischt kompliziert.



(ASP344-19.08.2002)



Protheso

(ASP345-19.08.2002)


0

Wer's Wieb nid estimiert
as wio die oagno Zäh,
ischt blöd, i säg däs uschiniert,
und zwor nid blös a klä.

Ma bißt zwor ou, so guot as goht
no mit an-'n-ar-a Protheso,
blös wenn uon 's Wieb erscht hänko lot,
heot z' bießot ar, und ou no d' Speso.

#####

(ASP345-19.08.2002)



Weotter-Prognose


(ASP346-19.08.2002)

— K —

Do Hanseorg seob isch buroschlau,
ischt an Prophet mit recht viel Lischt,
kennt 's morndrig Weotter hüt scho gnau,
wenn halt hüt übermorn scho ischt



(ASP346-19.08.2002)



Stau

(ASP347-19.08.2002)

0


Steockascht am Morgo zur Arbat im Stau,
iorgorat högstens dar Vorgsetz sä blau.

Kuscht z' Miottag z' eoßot z' spät, wägos-om Stau,
macht högschtens 's Wieb, will alle kalt würd, Radau.

Hör-ä dänn z' schaffot am Fierobot gnau,
komm-ä scho jedsmol, däs schwör-a, in Stau.
Dänn iorgor-ä seolber ganz grünön mä und blau
Erscht dänn sacarment-ä und tuor wio a Sau.



(ASP347-19.08.2002)



Heorbscht

(ASP349-19.08.2002)

0

I woäß-oes nid, a was as lit,
im Heorbscht, benied-ä d' Gobo
dänn dänk-ä all a d' Buobozit
wio ma dur 's Riod ischt zogo.

A-n-erschte Neobelbank im Riod.
Do Heorbschtluft blost dur d' Bömm si Liod.
Noch Gallustag darscht eotz an-n-alla
Obschtstorzo dor no d' Öpfel galla.
An Dracho zoachnat u'glich Achtar,
bis u'verhofft an Sturzflug macht-ar;
a Buob zücht hoch-on mit am Zuck
und tuot zwio Schrittlä gnot no z'ruck
Damit ar nid i d' Ströüä grot,
ar iohm a klä meh Spago lot.
und gschwind nöü höher uffä goht.
A Has schlecht Högo über d' Grebo,
wio wet ma deon ou künno hebo;
bald wär ma seolb in Grabo trolat.
Heot jungä Türgo-Kolbo g'hohlat
und 's broto a 'ma klinno Führlä,
und 's Führ usgmacht, natürlä.
Ma heot in gröschta Stöüä-Schocho,
Versteckos to, ischt undrä krocho,
heot rießig große Riod-Sträus bundo,
heot bis gnuo Ströüä-Kölblä gfuno.

Verflogo ischt eotz d' Buobozit
obwohl as 's Riod zwor ou no git
ma will 's sogär beschützo

blös würd as nid viel nützo.

As heond hüt d' Buobo nid derwiel
siond wio di Alto all i 'r ll.
Wio d' Frücht ischt ou do Sohmo,
vom Riod kascht blös mä tromo.

I woais-os nid, a was as lit,
im Heorbscht, bedur-ä d' Gobo
i dänk-ä a üsrä Buobozit
wio mior dur 's Riod siond zogo.



(ASP349-19.08.2002)